

MEDICA DISPUTATIO INAUGURALIS  
DE  
HYDROPE ASCITE.

Q V A M

Directore Jhovah-Elohim,

*Ex Authoritate Rectoris Magnifici*

D. FRIDERICI SPANHEMII, Viri summi, S.S.  
Theol. Doct. ejusdemq; Facultatis in Illustri Bat. Acad.  
Profess. excellentissimi & Eccl. Gall. Past. fidelissimi,  
Nec non Amplissimi Senatus Academici Consensu & celeberrimæ  
Facultatis MEDICÆ decreto,

*Pro summis in Arte Medica honoribus & Privilegiis Doctoratus ritè consequendis,*  
Publico Doctorum examini subjiçiet

DANIEL DE BV SCH, Mindanus Westphalus.

*Ad diem 28. Novembr. loco horisque solitis.*



LVGDVNI BATAVORVM,

Ex Officinâ BONAVENTURÆ & ABRAHAM I

ELSEVIR. Academ. Typograph.

clō lō c XLVII.

# HYDROPE ASCITE.

## T H E S I S I.

**H**YDROPS *ωδρξ το υδωρ*, i. e. formaliter mobilitas *η ωψ* parēfactorium seu medium quo quid facultati cognoscenti patescit & innotescit: Ast hīc materialiter notat rei mobilis in corpore humano aspectum, sive res ea sit flatus sive humor isque vel crassus tenuisve, quam infimul vocis cognata & etymologica ceu sunt *υδερ*, *υδερόπις*, *υδελίαις*, *υδερώδης* & *υδελικης* *Διόφτης*, &c. Et Synonymica ceu sunt aqua inter-subtercus, inter-subtercutem, affectus hydropicus, tumor aquosus, affectio serosa, aquæ abundantia, feri collectio, &c. Germ. die Wassersucht/ Belgic. simpliciter dat Water ad unum dico omnia connotant.

### I I.

Hydropis latè sic dicti consideratio est bifaria: altera abstracta in generalissima sua ratione & natura; altera concreta subiecto suo inhaesionis, causarum, qualitatum modorumque varietatibus, variisque materialibus conditionibus determinata, & ea vicissim gemina vel *μτ* *περσθήκης* denominatione affectæ partis annexa, ceu hydrocephalus, hydrops pectoris, gutturis, uteri, manuum, pedum, &c. Vel simpliciter denominatione non à parte, sed vel à causa vel tertio convenientiæ alicujus rei desumpta ut leucophlegmatia à phlegmate albo, tympanites, Ascites à convenientia cum tympano & utre in prominentia extensa vel à flatu seu aqua.

### I I I.

Cæterum quum de distinctis hisce speciebus nonnisi distinctè agendum, in frequentissimæ, adprimè adæquatæ & aliàs *κατ' ἐξοχλῶ* voce hydropis dici consuetæ speciei Ascites naturam hīc ulterius inquiram, ab ejus igitur origine origine facta, quam *ἀπὸ τῆ ἀσπῆ* esse vulgò constat, *ἀσπῆς* verò in genere notat quodvis ex se arcibile quid continens, sive id sit dolium, seu folliculus seu uter. At hīc abdominis cavitatem aquoso falso humore quem ex se arcere potest refertam, eoque differentiis modisque tumorum omnigenis tam à flatibus quam à substantia solida sicca humida ve contradistinctum quid denotat, & sic hydrops abdominis humidus ad differentiam sicci Hippocrati dicti dici potest.

### I V. Genus



#### IV.

Genus proximum Ascitæ est tumor, quem forma specifica à proprio subiecto, causa continente & objecto, quod sit abdominis ex sero ibidem vel ob vasorum vel viscerum sejunctim vel junctim factam angustiam vel ob eorundem solutam unitatem vel ut plurimum etiam ob partium præcipuè principalium intemperiem aliquam collectus, determinando, à cæteris tumorum generibus discernit.

#### V.

Proxima ergo & Continens Ascitæ causa quæ continenter dat esse est serum quod Galenus falsam serosam humiditatem dicit ex esculentorum & potulentorum aquositate & falsugine constantem, prout est sudoris, urinæ, lacrimarum communis materia ac determinatum humorum alimentariorum per vasa ac viscera maxima & minima vecturum.

#### VI.

Inter antecedentes colluviei hujus serosæ causas faciliè primas tenes vasorum & viscerum angustia quo vis modo facta, siue ea sit obstructio in vasis à crassis viscidis, copiosis vel etiam tartareis fœculentis humoribus, siue fiat in iis ob obstructions viscerum quæ transeunt, ob eorundem tumores scirrhosos phlegmonodæ, œdematosos, &c. Quam compressionem si dicere libet, licet, hisce angustiae modis & illos annumerandos puto, cum vel meatus aliquis quavis de causa constipetur, vel post vulnera ulcerave latera meatus coalescant, vel calore seu frigore nimio aliave vi stiptica meatus contrahantur, hi modi omnes cum partim per se partim ut conditiones sine quibus non ad hydropem constituendum concurrere possunt, meritiò angustiae voce hîc designentur, quæ causa est adeo multa, ut in omni ferè hydropse ascite ejus vestigium sit videre, idque vel ideo quia sero liberè ad renes & vesicam elabente asciten oriri posse videatur ἀπλῶς ἀδωάτων.

#### VII.

Attamen præter hanc angustiam vasorum viscerumque & intemperies aliqua præcipuè viscerum principum vel imbecillior vel calidior ad asciten facit, vel humores obstructivos meatuum, vasorum viscerumque causando, vel seri congeriem, attenuando, liquando & fundendo liquores, coacervando, & causa materialis diætæ aquosior seu ratio victus humidior, quæ excessu hydropem sæpè inducit, ac defectu eundem sæpius tollit, & solutio tandem continui in conceptaculis quibusvis quavis de causa erosio exesis seu ruptis vel in partibus aliis alia causa interna seu externa ut ulcere vulnere, &c. Solutis serumque in abdomen exonerantibus.

## VIII.

Finis cui seu subjectum ascites imus est venter, seu spatium ventriculo & vesica terminatum, non tamen præcisè solum sed cum extensione sæpè circumquaque pro ipsius feri incremento & decremento, fertur enim modo catarrhopœs suo pondere in scrotum, femora, genua, pedes, modo ex hisce in abdomen, modo anarrhopœs in pectoris penetralia in ipsam usque vitæ fontem, imò sæpius circumcircajacentia permeando viscera mirum in modum sibi coextendit. Subjectum vero causarum modo vasa modo viscera, modo utraque sunt.

## IX.

Ductus fluxilis hujus feri per quos in cavitatem abdominis illabitur Hipp. l. i. de Morb. Mulier. S. V. dicit venas, ubi ait lien rarius & spongiæ similis aquam ex ventre ad se rapit, quâ in tumorem sublatus & opletus per venas in corpus transmittit. præcipuè in omentum, &c. & intelligit omnes venæ portæ propagines in corpus imum, præsertim omentum sparsas, ceu sunt venæ splenicæ, epiploicæ, gastro epiploicæ lacteæ, mesentericæ, rami arteriæ cœliacæ & mesentericæ quia hæ omnes in corpus imum terminantes serum in id deponere possunt, quibus tamen, quum serum commune & arteriosum, & venosum sanguinis vehiculum & in arteriis calidius, tenuius, fluxilius, & alias præsertim tenuissimo huic sero totum corpus ἐξέρχων & ἐξέρπνυν ut ex ἐκκροσι & μετεκροσίν humorum patet, arterias præsertim eas accensendas censeo, quæ vel immediatè vel mediatè per ἀναστόμωσις suas in abdominis cavitatem serum exonerare queunt.

## X.

Modum extravasandi quod concernit, non est is uniformis sed pro varietate causarum antecedentium, continentis & partium affectarum varius, aliquando enim serum in vasis citra vel ultra epar aut lienem copiosius per ἀναστόμωσιν osculis vasorum apertis, aliquando tunicis eorum rarefactis per ἀξήνησιν, sæpè etiam tunicis vel membranulis vasorum seu viscerum erosio exelisis aliisve modis ruptis per διαρροήσιν in affectatum regurgitat locum, idque vel lentè vel ἐξαπνής derepentè.

## XI.

Actionum læsarum tam naturalium quam animalium in ascire sequela est satis frequens, cum enim ejus focus sit primario officina nutritionis, hinc nutriticis facultatis actiones tam communes quam propriæ sive per se sive per accidens primò vel imminuuntur, abolentur vel depravantur, Chymus, sanguis & ejus excrementa variè mutantur,



tantur , quæ excerni oportebat retinentur & in vasis & in visceribus, hinc & scaturigo vesicularum asciticarum hydatidum , quas ab extravasato intra parenchymatum substantiam sero in modum generationis bullarum quasi existere verisimile est , membranulis enim viscerum solutis non parum seri copiam adaugent , respiratio denique fit difficilior , pulsus crebrior & minor, motus multifariam affligitur.

#### XII.

Ascites ergo est tumor abdominis ab aquoso salsuginoso humore ob vasorum vel viscerum angustiam , vel intemperiem debiliorem seu calidiorē in vasis restagnante vel ob solutionem continui in cavitate abdominis delabente collectus , id distendens actionesque præcipue nutritionis lædens.

#### XIII.

Specierum & modorum hydropis ascites differentias alias supplet varietas causarum collectionis, alias diversitas ratione qualitatum causæ continentis, alias duratio , quantitas , modus generationis alias, sic alius ascites est ab obstructione hujus vel illius vasis, hujus vel illius visceris , alius à robore partis vel imbecilliore seu fortiori, alius à solutione continui, sic alius ascites pallidus , citrinus luteus, viridis, &c. alius imminens, incipiens & confirmatus, lentus seu successivus, & subitaneus alius, &c.

#### XIV.

Signa sunt vel Diagnostica , pathognomonica vel prognostica.

#### XV.

Diagnostica tam imminentis ac præsentis Ascites sunt , paulatina intumescencia vel infimi ventris tendens ad femora & pedes vel contra pedum ad abdomen. Tensionis hypochondriorum sensilis gravitas, & gravativa sensilitas. Incipiens cachexia & color faciei morbosus ex læso viscere. Excretio urinæ indies minus respondens copię potus. Extenuatio partium superiorum, inferiorum vero indies major extensio. Perceptio manifesta fluctuantis & murmurantis aquæ, in mutatione decubitus alterius in alterum latus & hinc sequacitas, seu tendentia tumoris in idem latus. Dispncea quæ sæpè cum Orthopnceâ ob gravitatem ponderis in supino decubitu diaphragmati incumbentis, sitis inextinguibilis adeo sæpe ut quo plus sint potæ plus sitiantur aquæ, cum febris lentâ, Fœtidus odos. Læsiõ actionum præcipue naturalium varia.

#### XVI.

Pathognomonica ob cognitionem cum diagnosticis ex iis consisti ui possunt.

## XVII.

Causarum vero signa quia non tam prognoseos quam curationis ergo huc revocantur, omnino accuratius examinanda, quò sciamus à quonam obstructionis modo hujus vasis vel visceris, serum cumuletur, cujus signa sunt, excrementorum paucitas, crassities, siccitas, consuetæ evacuationis suppressiones, distributio chyli infelix, nutritio abolita vel imminuta, marasmus tacitus, excretorum variæ species, tensio hypochondriorum, eum renitentia tactus, inæqualitas, proprietas doloris, cachexia peculiaris, à cujus vasis seu partis & causæ solventis solutione, id itidem excretorum peculiare species & qualitates, excernendi modus, ipsius ascites ortus successivus vel subitaneus, calculosa dispositio & cætera partis affectæ peculiaris indicabunt signa, à qua tandem & cujus partis intemperie frigidiore calidioreve ex antecedentibus potu ingurgitato vel vini vel cerevisiæ vel aquæ frigido vel calido, diætâ frigidiore seu calidiore, alimentorum vel condimentorum vel medicamentorum aliarumve rerum nonnaturalium & consequentibus Symptomatis constabit.

## XVIII.

Prognostica. 1. ascites periculosior est anasarca cæteris paribus. 2. Ascites cum gravioribus symptomatibus tam pathognomonicis ac supervenientibus ferè desperatus est. 3. Ascites ex obstructione vasorum facilius curatu quam ex obstructione viscerum, & ex duritie lienis facilius quam ex duritie epatis. 4. Juvenes præ invalidis senioribus faciliores curatu, etsi senes melius ferant in diætâ. Quo quis sitis impatientior eo infelicius, hinc servus libero felicius quia curatu facilius. Ascites ex morbo acuto quo acutior hoc ad mortem certior. Ascites ex solutione continui ut plurimum incurabilis.

## XIX.

Indicationem aliam vires, aliam causa continens, continentis causæ aliam monstrant.

## XX.

Virium utpote summè conservandarum indicationi satisfacit diætâ, quæ in sex rerum nonnaturalium administratione ita dirigatur ne fero & ascitæ inde ullum incrementum accedere queat, sed potius exsiccentur & evanescant, id quod fiet si quam maximè sicca instituat juxta Hippocrat. l. de rat. vict. in morb. acut. sect. iv. hydropicus sicca edat & acria, & quam paucissimo utatur potu, quia hac victus ratione plurimam reddat urinam & maximè viribus valeat, & l. de affect. ait omnino ea victus ratio servetur qua corpus gracilius & tenuius reddatur,



reddatur, quia igitur sola abſtinentia permulti aſcatici liberati, & ſummum ſapè remediū remedio nullo uti, diætā hīc ſit parcior, non tamen tenuior ſed mediocris & æqualis, aer ſubcalidior, ſiccior ſi non hyeme ſit talis talis arte fiat, cibus ſit aridior, ſucciplenus, medicinalis, panem vult Hipp. biſcoctum ſeu panes calidos vino nigro & oleo intinctos & potus abſtinentiam l. de ration. vict. in morb. acut. ſect. iv. Carnes aſſæ potius ſint quàm elixæ, macilentæ potius quàm pingues, aromatis calidis ſiccis conditæ, juſculorum uſus ſit ſummopere parcus, potus ſit vinum medicatum, diureticum, tenue, ſeu cereviſia aperientibus roborantibus medicata, uſus tantum ſit ad neceſſariam ſuſtentationem, utilis hic fames quia exiccat, Hipp. ſect. vii. §. 59. Motus ſit pro virili quiete crebrior, crebriores ſomno vigiliæ, alvus lubrica, urina copioſior, animus tranquillus quia *ἐν θυμῷ* ſemper laudabilis.

## XXI.

Cauſæ continentis toto quaſi genere, quantitate, qualitate, motu & loco hīc peccantis indicationi ſatisfit omnimoda eradicatione, cuius duplicem methodus ſuggerit modum ſenſilem & inſenſilem, ille peragitur trifariam, per vomitum, per alvum, vel & per vomitum & alvum vel nec per vomitum & alvum ſed per peripheriam totius in quo convenit cum modo inſenſili, differt tamen κατ' ἡπλὸν ἐν μάλλον, hiſce igitur rationibus ſentina hæc aſcitica funditus eſt exhaurienda, & id per media modis hiſce convenientia, de quibus in genere prænotandum iis diu eſſe inſiſtendum, quia morbus hic chronicus, ea eſſe mutanda, ne natura aſſueſcat, nec ſint vehementiora ſed primò mitiora tandem fortiora, nec aquoſiora aquam ne adaugeant, præſtat ergo eſſe ſicciora quorum hydragogorum pharmacorum tam ſimplicium quam compoſitorum apud practicos vel aliquot myriades reperire eſt, quas minutatim huc apponere non eſt operæ pretium, ſed ſatius ex hiſce optima & maxime appropriata quæque & vomitoria & catartica & diuretica & diaphoretica ſeligere, & ea ritè præparata methodicè & cum iudicio expurgando huic ſero applicare, accurata ſemper habita virium ratione ut quales ſint, ſi non per roborantia augeri poſſint. Certè conſerventur, id quod fiet, ſi uſum pharmacorum cum *ὀφθαλμῶν* ferant. Hipp. l. de rat. vict. in morb. acut. ſect. iv. inſignem tribuit hic laudem diureticis & diaphoreticis, ajens optimum eſt autem ſi ad urinas & ſudores ægrum adducas & levi utaris frictione, ut ne habitum efficias denſiorem, &c. Et ſi hiſce parum proficiatur ſero magis magisque brevi increſcente idem l. de affection. ſect. v. hoc

hoc dat confilium, ſi neque medicamentis, inquit, neque victus ratione auxilium ſentiat, ut neque venter emolliatur, ſectiōe facta aquam educito, ſit autem hæc ſectiō vel juxta umbilicum, vel retro juxta ilia, &c. de quo *ὁ δὲ κεν τήσεως ἐν χιρσύνῳ*, ubi commodius in ventre imo an vero in femoribus ſeu pedibus, an per *ἐπίπνευσιν*, quando & quantum inſtituenda ſit conſulantur practici.

## XXII.

Cauſarum denique antecedentium indicatio in curatione potiffima itidem totalis eſt evacuationis: in infinitum enim intractâ ipſa ſcaturigine aquæ aquam evacuaremus, in cauſam proin collectionis ſeriquam accuratè inquirendum num ea obſtructio vaſorum & quanta ut ejus contumacitati majori minorive majora minorave incidentia, attenuantia & deobſtruentia adaptemus, num viſcerum hepatis licniſve ſcirrhoſi tumores ut iis itidem convenientibus emollientibus rarefacientibus diſſolventibus & diſcutientibus opportunè ſuccurramus. & denique num ab intemperie ſeu roboris partis alicujus intentione ſeu remiſſione cui pro majori minorive à nativo robore reſeſſu per alterantia, roborantia appropriata medendum, quo citius hoc jucundius & tutius.

---

## COROLLARIA.

### I.

*Omnis aſcites eſt flatulentus ut omnis tympanites aquoſus.*

### II.

*Omne aſcitem præcedere cachexiam *ἐκ ἐστὶ καὶ ὄλεθ.**

### III.

*Omne aſcitem eſſe vel per eſſentiam vel conſenſum ob ſimplicem impoſſibilitatem mutationis, Chyli in ſerum a frigido hepate. Neg.*

## FINIS.